

"Биотын өндірісі және айналымын мемлекеттік реттеу туралы" Қазақстан Республикасы Заңының жобасы туралы

Қазақстан Республикасы Үкіметінің 2008 жылғы 31 мамырдағы N 534 Қаулысы

Қазақстан Республикасының Үкіметі **ҚАУЛЫ ЕТЕДІ:**

"Биотын өндірісі және айналымын мемлекеттік реттеу туралы" Қазақстан Республикасы Заңының жобасы Қазақстан Республикасының Парламенті Мәжілісінің қарауына енгізілсін.

Қ а з а қ с т а н Р е с п у б л и к а с ы н ы ң

Премьер-Министрі

К. Мәсімов

Жоба

Қазақстан Республикасының Заңы

"Биотын өндірісі және айналымын мемлекеттік реттеу туралы"

Осы Заң биотын өндірісі және айналымы саласында пайда болатын қоғамдық қатынастарды реттейді.

1-тарау. Жалпы ережелер

1-бап. Осы Заңда пайдаланылатын негізгі ұғымдар

Осы Заңда мынадай негізгі ұғымдар пайдаланылады:

- 1) биотын - биологиялық шикізаттан өндірілген отын, оның ішінде биоэтанол мен б и о д и з е л ь ;
- 2) биодизель - дизель отынының қасиеті бар, өсімдік немесе жануарлар майларынан алынатын метилді немесе этилді күрделі эфир;
- 3) биотын өндірісі саласындағы уәкілетті орган - биотын өндірісін мемлекеттік реттеу саласындағы басшылықты жүзеге асыратын мемлекеттік орган;
- 4) биотын айналымы саласындағы уәкілетті орган - биотын айналымын мемлекеттік реттеу саласындағы басшылықты жүзеге асыратын мемлекеттік орган;
- 5) биологиялық шикізат (шикізат) - биологиялық, оның ішінде биохимиялық құрамдас бөліктерге ыдырайтын және биотын өндіру үшін пайдаланылатын өнімдер;
- 6) биоэтанол - міндетті түрде мұнай өнімдерімен араластыруға немесе биотынның басқа түрін өндіру мақсатында пайдалануға арналған биологиялық туынды шикізаттан өндірілген сусыздандырылған этил спирті;
- 7) биотын нарығына қатысушылар - биотын өндірушілер және құрамында биотын бар мұнай өнімдерін өндірушілер;
- 8) биотын өндіруші - Қазақстан Республикасының заңнамасына сәйкес биотын өндіруді және айналымын жүзеге асыратын заңды тұлға;
- 9) биотын өндіру - биотын алуды қамтамасыз ететін шикізатты қайта өңдеу

жөнiндегi жұмыстар кешенi;

10) биоотын өндiретiн зауыт - шикiзатты биоотын етiп қайта өндеуге арналған мамандандырылған құрылыс кешенi;

11) биоотын айналымы - биоотынды сатып алу, тасымалдау, сақтау, сату, экспорттау және импорттау;

12) сусыздандырылған этил спиртi - сусыздандыру процесiнен өткiзiлген, құрамындағы су үлесi 1 пайыздан аспайтын этил спиртi;

13) денатуратталған биоэтанол - тамақ өнiмi немесе тамақ өнiмiне қоспа ретiнде пайдалануға мүмкiндiк бермейтiн қасиеттер беру мақсатында химиялық заттармен араластыру процесiне ұшыраған сусыздандырылған этил спиртi;

14) кәдеге жарату - мақсаты бойынша пайдалануға жарамсыз биоотынды және биоотын өндiрiсiнiң қосалқы өнiмдерiн қажеттi сападағы биотынға немесе басқа өнiмге айналдырып технологиялық қайта өндеу;

15) өндiрiс паспорты - биоотын өндiретiн зауыттың өндiрiстiк қуаттылығының көрсеткiштерi, оның негiзгi сипаттамалары жазылған, биоотын өндiрiсiнiң технологиялық процесiн сақтау үшiн қолда бар жабдықтарды пайдалануды регламенттейтiн белгiленген нысандағы құжат;

16) сәйкестiк сертификаты - өнiмнiң техникалық регламенттерде, стандарттардың немесе өзге де құжаттардың ережелерiнде белгiленген талаптарға сәйкестiгiн куәландырылатын құжат;

17) тамақ шикiзаты - тамақ өнiмiн өндiруге жарамды және биоотын өндiру үшiн пайдаланылатын шикiзат;

18) iлеспе жүкқұжат - жолдаушыдан алушыға дейiн бара жатқан бүкiл жолда биоотынның қозғалысын бақылауды жүзеге асыруға арналған, биоотын беру және қабылдау жөнiндегi операцияларды ресiмдеу үшiн қажеттi бiрыңғайландырылған құжат.

2-бап. Қазақстан Республикасының биоотын өндiрiсi және айналымын мемлекеттiк реттеу туралы заңнамасы

Қазақстан Республикасының биоотын өндiрiсi және айналымын мемлекеттiк реттеу туралы заңнамасы Қазақстан Республикасының Конституциясына негiзделедi және осы Заңнан және Қазақстан Республикасының өзге де нормативтiк құқықтық актiлерiнен тұрады.

Егер Қазақстан Республикасы ратификациялаған халықаралық шартта, осы Заңда көзделгеннен өзге де ережелер белгiлеген болса, онда халықаралық шарттың ережелерi қолданылады.

2-тарау. Биоотын өндiрiсi және айналымын мемлекеттiк реттеу

3-бап. Биоотын өндiрiсi және айналымын мемлекеттiк реттеудiң мақсаттары мен мiндеттерi

1. Биотын өндірісі және айналымын мемлекеттік реттеудің мақсаттары:
қоршаған ортаны қорғауды;
биотын өндірісі мен айналымын дамытуды;
биотын өндіргенде мемлекеттің азық-түліктік қауіпсіздігін қамтамасыз етуді
қ а м т и д ы .

2. Биотын өндірісі және айналымын мемлекеттік реттеудің негізгі міндеттері:
ластағыш заттардың атмосфераға шығарылу деңгейін азайту;
қосылған құны жоғары тауарлар өндіру мен экспорты көлемін ұлғайту;
ғылыми зерттеулер жүргізуді қолдау және биотын өндірісі мен айналымындағы
ғылымды қажетсінетін озық технологияларды енгізу;

Қазақстан Республикасының Үкіметіне биотын өндірісі бойынша өндірістік
қуаттардың шекті көлемдерін айқындауға және кейіннен биотын етіп қайта өңдеу
үшін пайдаланатын тамақ шикізатына квота белгілеуге мүмкіндік беретін нормаларды
енгізу болып табылады.

4-бап. Биотын өндірісі және айналымын мемлекеттік реттеу

Биотын өндірісі және айналымын мемлекеттік реттеу мыналар арқылы жүзеге
а с ы р ы л а д ы :

- 1) кейіннен биотын етіп қайта өңдеу үшін пайдаланатын тамақ шикізатына квота
б е л г і л е у ;
- 2) биотын өндірісі бойынша өндірістік қуаттардың шекті көлемін айқындау;
- 3) биотын айналымы саласындағы мемлекеттік бақылауды жүзеге асыру.

5-бап. Биотын өндірісі және айналымын мемлекеттік қолдау

Биотын нарығын дамытуды қамтамасыз ету мақсатында мемлекет биотын
өндірісі және айналымын қолдаудың мынадай нысандарын жүзеге асырады:

- 1) биотын нарығын дамытудың басым бағыттарын зерделеу жөніндегі
з е р т т е у л е р д і қ а р ж ы л а н д ы р у ;
- 2) биотын нарығына қатысушыларға техника мен жабдықтарды лизингке беруді
ұйымдастыру.

6-бап. Қазақстан Республикасы Үкіметінің биотын өндірісі және айналымын мемлекеттік реттеу саласындағы құзыреті

Қазақстан Республикасының Үкіметі:

- 1) биотын өндірісі мен айналымын мемлекеттік реттеу саласындағы мемлекеттік
саясаттың негізгі бағыттарын әзірлейді;
- 2) биотын өндірісі бойынша өндірістік қуаттардың шекті көлемін айқындайды;
- 3) биотын өндірушілердің биотын өндірісі саласындағы уәкілетті органға
биотын өндіру мониторингін жүзеге асыру және тамақ шикізатына квотаның
орындалуы үшін қажетті есептерінің нысандары мен беру тәртібін айқындайды;
- 4) кейіннен биотын етіп қайта өңдеу үшін пайдаланатын тамақ шикізатына
к в о т а л а р б е л г і л е й д і ;

5) биоотын өндірісі және айналымы саласындағы техникалық регламенттерді бекітеді.

7-бап. Биоотын өндірісі саласындағы уәкілетті органның құзыреті

Биоотын өндірісі саласындағы уәкілетті орган:

- 1) биоотын өндірісі саласында мемлекеттік саясатты іске асырады;
- 2) өз құзыреті шегінде биоотын өндірісін мемлекеттік реттеу саласындағы нормативтік құқықтық актілерді әзірлейді, бекітеді;
- 3) биоотын өндірісінің паспортын бекіту үшін қажетті мәліметтер тізбесін әзірлейді және бекітеді;
- 4) биоотын өндірісі саласында ғылымды қажетсінетін технологиялар әзірлеу жөнінде ұсыныстар енгізеді;
- 5) биоотын өндірісі мен айналымы саласында техникалық регламенттер әзірлейді;
- 6) Қазақстан Республикасының Үкіметі айқындаған биоотын өндірісі бойынша өндірістік қуаттардың көлемі шегінде биоотын өндіру зауыттарын салуға рұқсаттар береді;
- 7) биоотын өндіретін зауыттарды салуға рұқсат беру үшін техникалық-экономикалық негіздемеге салалық сараптама жүргізеді;
- 8) Қазақстан Республикасының Үкіметіне биоотын өндірісі бойынша өндірістік қуаттардың шекті көлемін айқындау жөнінде ұсыныстар енгізеді;
- 9) биоотын өндірісіне мониторинг жүргізеді;
- 10) биоотын өндірісі саласындағы уәкілетті органға биоотын өндірісінің көлемі туралы ақпараттың автоматтандырылған түрде берілуін қамтамасыз ететін есептегіш бақылау құралдарын қолдану жөніндегі тәртіп пен талаптарды белгілейді;
- 11) кейіннен биоотын етіп қайта өңдеу үшін пайдаланатын тамақ шикізатының көлеміне квоталар белгілеу үшін жылына екі рет тамақ шикізатының тиісті түрінің өндірісіне талдау жүргізеді және оны Қазақстан Республикасының Үкіметіне енгізеді.

8-бап. Биоотын айналымы саласындағы уәкілетті органның құзыреті

Биоотын айналымы саласындағы уәкілетті орган:

- 1) биоотын айналымы саласындағы мемлекеттік саясатты іске асырады;
- 2) өз құзыреті шегінде биоотын айналымын мемлекеттік реттеу саласындағы нормативтік құқықтық актілерді әзірлейді, бекітеді;
- 3) биоотын айналымын камералдық бақылауды жүзеге асырады;
- 4) биоотын айналымы жөніндегі декларациялардың нысанын, ұсынылу тәртібі мен мерзімдерін айқындайды;
- 5) нұсқама нысанын әзірлейді және бекітеді;
- 6) ілеспе жүкқұжаттарын ресімдеу тәртібін әзірлейді және бекітеді;

9-бап. Биоотын өндіретін зауыттар салу

1. Жеке немесе заңды тұлғалардың биоотын өндіретін зауыттар салу туралы ұсыныстары биоотын өндірісі саласындағы уәкілетті органға биоотын өндірістің зауыт

салу жөніндегі техникалық-экономикалық негіздемені және биоотын өндіретін зауыт салуға мемлекеттік экологиялық сараптаманың қорытындысын ұсына отырып енгізеді.

2. Техникалық-экономикалық негіздеме мынаны қамтуға тиіс:

- 1) нақты мақсаттарды дәл айқындау, оны іске асыру жолдары мен тетігі;
- 2) биоотын өндіретін зауыттың болжамды орналасу жерін көрсету және оны т а ң д а у д ы ң н е г і з д е м е с і ;
- 3) биоотын өндірісі үшін пайдалануға жоспарланып отырған мен тамақ шикізатының (немесе шикізаттың) нақты түрінің (немесе түрлерінің) өндіру және қайта ө н д е у к ө л е м і н т а л д а у ;
- 4) тамақ шикізатын пайдаланған жағдайда егістік алаңдарының құрылымын талдау;
- 5) қаржылық, еңбек, техникалық, шикізат ресурстарының және оларды қамтамасыз ету к өздерінің т еңдестірілуін т алдау .

3. Биоотын өндірісі бойынша өндірістік қуаттардың шекті көлемін Қазақстан Республикасының Үкіметі айқындайды.

4. Биоотын өндіретін зауыттар салуға Қазақстан Республикасының Үкіметі айқындаған биоотын өндірісі бойынша өндірістік қуаттардың шекті көлемі шегінде биоотын өндірісі саласындағы уәкілетті орган рұқсат бергеннен кейін ғана рұқсат б е р і л е д і .

5. Биоотын өндіретін зауыттар салуға рұқсат беру үшін биоотын өндірісі саласындағы уәкілетті орган техникалық-экономикалық негіздемеге салалық сараптама ж ү р г і з е д і .

6. Техникалық-экономикалық негіздемеге салалық сараптаманы жеке және заңды тұлғалар техникалық-экономикалық негіздемені ұсынған күннен бастап отыз жұмыс күні ішінде жүргізеді және мынадай негізгі мәселелерді қарауды көздейді:

техникалық-экономикалық негіздеме мақсаттарының биоотын саласын дамыту басымдықтарына сәйкестігін бағалау;

биоотын өндіретін зауыт салу жобасы іске асқан немесе іске аспаған жағдайда биоотын саласындағы жағдайда және оның өндіріс шекті көлемін талдау;

технологиялық және техникалық шешімдерді бағалау;

техникалық-экономикалық негіздеменің мақсаттарына жетудің баламалы н ұ с қ а л а р ы н б а ғ а л а у .

7. Биоотын өндірісі саласындағы уәкілетті органның рұқсатынсыз биоотын өндірісі бойынша зауыттарды салуға тыйым салынады.

10-бап. Кейіннен биоотын етіп қайта өңдеу үшін пайдаланатын тамақ шикізатына квота белгілеу

1. Биоотын өндіруші Қазақстан Республикасының Үкіметі бекіткен квоталар шегінде кейіннен биоотын етіп қайта өңдеу үшін тамақ шикізатын пайдаланады.

2. Тамақ шикізатына квоталар белгілеу үшін биоотын өндірісі саласындағы уәкілетті орган жылына екі рет тамақ шикізатының тиісті түрінің өндірісіне талдау

жүргізеді және оны Қазақстан Республикасының Үкіметіне енгізеді.

3. Т а л д а у м ы н а л а р д ы :

Қазақстан Республикасының аумағында тамақ шикізатының тиісті түрінің өндірісі көлемінің орташа көрсеткіштерін;

азық-түлік қауіпсіздігін қамтамасыз ету мен Қазақстан Республикасының халықаралық міндеттемелерді орындау қажеттілігін негізге ала отырып жүргізіледі.

4. Квоталар өндіріс қуатына сүйеніп, биоотын өндіретін әрбір зауытқа оның үлесі биоотын өндіретін бүкіл өнеркәсіптердің жиынтық өндірістік қуаттарға барабар жарты жылда бір рет белгіленеді.

5. Тамақ шикізатына бірінші квота биоотын өндіретін іске қосылған сәттен бастап бес жұмыс күнінің ішінде беріледі.

6. Тамақ шикізаттарының әрбір партиясын сатып алу бойынша мәмілелер жазбаша нысанда жасалуы тиіс.

7. Қазақстан Республикасының Үкіметі бекіткен квоталар кейіннен биоотын етіп қайта өңдеу үшін пайдаланатын импорт тамақ шикізатына қолданылмайды.

11-бап. Биоотын, оның өндірісі және айналымының қауіпсіздігіне қойылатын жалпы талаптар

1. Биоотын, оның өндірісі мен айналымы техникалық реттеу объектісі болып табылады.

2. Биоотын, оның өндірісі мен айналымы, биоотын өндірісі және айналымы кезінде пайдаланылатын жабдықтар мен техникалық құралдар техникалық регламенттердің, стандарттар ережелерінің және өзге де құжаттардың талаптарына сәйкес адамның өмірі мен денсаулығын және қоршаған ортаның қауіпсіздігін қамтамасыз етуге тиіс.

12-бап. Сәйкестігін растау

Қазақстан Республикасы аумағында техникалық регламенттермен, стандарттар ережелерімен және өзге де құжаттармен белгіленген талаптарға биоотынның сәйкестігін растау Қазақстан Республикасының техникалық реттеу саласындағы заңнамасына сәйкес жүзеге асырылады.

13-бап. Биоотын өндірісі және айналымының шарттары

1. Биоотын өндірісі:

1) өндіріс паспорты, биоотынды өндіру көлемі туралы ақпаратты биоотын өндірісі саласындағы уәкілетті органға автоматтандырылған түрде беруді қамтамасыз ететін есептегіш бақылау құралдары болғанда;

2) жеке меншігі құқығында биоотын өндірушінің иелігіндегі биоотын өндіретін зауытта жүзеге асырылады.

2. Биоотынды сату ілеспе жүкқұжаттарын ресімдеу арқылы жүзеге асырылуы тиіс:

1) биоотын өндірісін жүзеге асыратын және/немесе мұнай өнімдерін компаундтауға лицензиясы бар тұлғаларға;

2) тиісті құжаттары болғанда экспорттауға.

3. Биотын тасымалдауға алып жүрілетін бүкіл жолға арналған ілеспе жүкқұжаттар болғанда рұқсат етіледі.

4. Биотын рыногының қатысушылары болып табылатын тұлғалардың меншік құқығына жатпайтын үй-жайларда биотынды сақтауға тыйым салынады.

14-бап. Биотын нарығына қатысушылардың міндеттері

1. Биотын өндіруші:

1) биотын өндіру саласындағы уәкілетті органға Қазақстан Республикасының Үкіметі белгілеген нысандар мен тәртіпке сәйкес биотын өндірісінің мониторингін жүзеге асыру үшін қажетті есептер беруге;

2) биотын өндірісінде тамақ шикізаты ретінде бидай пайдаланылғанда, қайта өңдеуге 3, 4, және 5-кластардың және классыз бидайды қабылдауға;

3) өндірілген биотынның әр партиясының техникалық регламенттермен белгіленген талаптарға сәйкестігін растауды қамтамасыз етуге;

4) өндірілген биотын техникалық регламенттермен белгіленген құрамға сәйкес болмаған жағдайда оны кәдеге жаратуды жүргізуге;

5) биотын айналымы саласындағы уәкілетті органға биотын айналымы саласындағы уәкілетті орган белгілеген нысанға, тәртіпке және мерзімдерге сәйкес биотын айналымы жөнінде декларация беруге;

6) биотын тасымалданған жағдайда биотын айналымы саласындағы уәкілетті орган бекіткен тәртіпке сәйкес ілеспе жүкқұжаттар ресімдеуге және биотын айналымы саласындағы уәкілетті органға беруге;

7) осы Заңның 11-бабында белгіленген қауіпсіздік талаптарын сақтауға;

8) биотын өндіру саласындағы уәкілетті органға биотын өндірісінің көлемдері туралы ақпараттың автоматтандырылған түрде берілуін қамтамасыз етуге;

9) өндіріс паспортында көрсетілген мерзімдерге сәйкес жөндеу және қалпына келтіру жұмыстарын жүргізуге;

10) биотын өндіру саласындағы уәкілетті орган бекіткен биотын өндіру паспортын бекіту үшін қажетті деректер тізбесіне сәйкес биотын өндіру паспортын әзірлеуге және бекітуге;

11) биотын өндіру саласындағы уәкілетті органға биотын өндірісінің көлемдері туралы ақпараттың автоматтандырылған түрде берілуін қамтамасыз ететін есептеу құралдарын орнатуды қамтамасыз етуге.

2. Биотыны бар мұнай өнімдерін өндіруші:

1) биотын айналымы саласындағы уәкілетті орган белгілеген нысанға, тәртіпке және мерзімдерге сәйкес биотын айналымы жөніндегі декларацияларды биотын айналымы саласындағы уәкілетті органға беруге;

2) биотынды тасымалдаған жағдайда биотын айналымы саласындағы уәкілетті орган бекіткен тәртіпке сәйкес ілеспе жүкқұжатты ресімдеуге және биотын айналымы саласындағы уәкілетті органға беруге міндетті.

15-бап. Биотын өндірісі және айналымы саласындағы шектеулер

Биотын өндірушілерге:

- 1) биотынға кейіннен қайта өңдеу үшін тамақ шикізатын Қазақстан Республикасының Үкіметі белгілеген квота көлемінен асырып пайдалануға;
- 2) биотын өндірісі кезінде тамақ шикізаты ретінде 1 және 2 класты бидайды қолдануға;
- 3) құрамы техникалық регламенттермен белгіленген құрамға сәйкес келмейтін биотынды сатуды жүзеге асыруға;
- 4) денатурацияланбаған биоэтанолдың, оның биотын өндіру үшін зауытқа немесе биотынның басқа түрін (биодизель, этил-үш-бутилді эфир, этилацетат, этилактат және басқалар) қайта өңдеу үшін мұнай өңдеу зауытына әкеліну жағдайын қоспағанда, айналымын өндіруге және жүзеге асыруға;
- 5) алкоголь өнімдерін өндіруге және айналымын жүзеге асыруға;
- 6) қайта өңдеуге генетикалық түрлендірілген көздер/объектілер болып табылатын немесе генетикалық түрлендірілген көздерді/объектілерді құрайтын шикізаттарды, олардың қауіпсіздігін ғылыми негізде растамай және оларға мемлекеттік тіркеу жүргізбей қабылдауға;
- 7) биотын өндірісі бойынша бір зауытта екі және одан да кеп биотын өндірушілерге биотынды өндіруді жүзеге асыруына тыйым салынады.

3-тарау. Биотын айналымы саласындағы мемлекеттік бақылау

16-бап. Биотын айналымы саласында бақылау жүргізудің мәні мен мақсаты

1. Биотын нарығына қатысушылардың іс-әрекеттері осы Заңға және Қазақстан Республикасының өзге де заңдарына сәйкес мемлекеттік бақылауда болады.
2. Биотын нарығына қатысушылардың осы Заң талаптарын сақтауы биотын айналымы саласындағы уәкілетті орган жүргізетін тексерудің мәні болып табылады.
3. Биотын айналымы саласында бақылау жүргізудің мақсаты биотынның заңсыз айналымының алдын алу мен болдырмау және осы Заң талаптарының сақталуын қамтамасыз ету болып табылады.
4. Биотын айналымы саласындағы уәкілетті орган мемлекеттік бақылауды жүзеге асыру мақсатында орталық және жергілікті атқарушы органдармен өзара іс-қимылда болады.

17-бап. Биотын айналымы саласындағы мемлекеттік бақылау

1. Биотын айналымы саласында камералдық бақылау жүзеге асырылады.
2. Камералдық бақылау биотын нарығына қатысушылар ұсынатын биотын айналымы жөніндегі декларацияны, ілеспе жүкқұжаттарды және биотын өндірісі саласындағы уәкілетті органның келісімі бойынша ұсынылатын есептегіш бақылау құралдарының деректерін зерделеу және талдау негізінде тікелей оның тұрған жері бойынша биотын айналымы саласындағы уәкілетті органмен жүзеге асырылады.

18-бап. Биотын өндірісі және айналымы саласында мемлекеттік бақылау жүргізудің тәртібі

1. Камералдық бақылау биотын нарығына қатысушылар міндетті түрде ұсынатын биотын айналымы жөніндегі декларацияны, ілеспе жүкқұжаттарды және биотын өндірісі саласындағы уәкілетті органның келісімі бойынша бақылаушы есептеу аспаптарының деректерін зерделеу және талдау негізінде ай сайын жүргізіледі.

2. Биотын нарығына қатысушылар осы баптың 1-тармағында көрсетілген құжаттарды бермеген немесе оларды биотын өндірісі саласындағы уәкілетті органның зерделеу және талдау кезінде бұзушылықтар анықталған жағдайда тиісті бұзушылық анықталған сәттен бастап 5 жұмыс күні ішінде биотын нарығына қатысушыға нұсқама т а б ы с е т і л е д і .

Нұсқамада биотын нарығына қатысушының толық атауы, салық төлеушінің тіркелу нөмірі, нұсқама беру мерзімі, мәлімдеме бойынша міндеттемелерді орындау туралы талаптар, нұсқаманы жіберу үшін негіздеме шағымдану тәртібі көрсетіледі.

Нұсқама нысанын биотын айналымы саласындағы уәкілетті орган белгілейді.

3. Нұсқама биотын нарығына қатысушылардың өкіліне жеке қолын қою арқылы немесе жіберу және алуды растайтын өзге де тәсілдермен берілуі тиіс.

4. Биотын нарығына қатысушылар нұсқамада көрсетілген талаптарды орындамаған жағдайда Қазақстан Республикасының әкімшілік құқық бұзушылық туралы заңнамасына сәйкес жауапқа тартылады.

4-тарау. Қорытынды ережелер

19-бап. Биотын өндірісі және айналымын мемлекеттік реттеу туралы Қазақстан Республикасының заңнамасын бұзғаны үшін жауапкершілік

Биотын өндірісі және айналымын мемлекеттік реттеу туралы Қазақстан Республикасының заңнамасын бұзу Қазақстан Республикасының заңдарымен белгіленген жауаптылыққа әкеп соғады.

20-бап. Осы Заңның қолданысқа енгізілу тәртібі

Осы Заң ресми жарияланған күнінен бастап он күнтізбелік күн өткен соң қолданысқа енгізіледі.

Қ а з а қ с т а н Р е с п у б л и к а с ы н ы ң

Президенті